

ARUWEN LEGISLATURE-UN EWE MUUN CHUUK

AUNUNGATIN MWIICHENAP, AEWIN MWIICH ATAPWANAPWAN, JANUARY 1985 NAMOPUNG NO.: 2-121

EW NAMOPUNG

A awora ukukun \$14,000. seni ewe Monienapen ewe Muun Chuuk ren fan asengessin monien angangen efefeitan kangkotang non Fiscal Year 1985, me pwan ren ekkoch popun.

Epwe pung me ren ewe Legislature-un ewe Muun Chuuk.

Tetten 1. Iei a kawor ukukun \$14,000, ika fite ukukun ren an epwe tongeni naaf, seni ewe Monienapen ewe Muun Chuuk ren fan asengessin monien angangen efefeitan kangkotang non Fiscal Year 1985.

Tetten 2. Ei moni mei kawor me ren Tetten 1 epwe no-ngeni ika einet ngeni ewe Kepina non Chuuk, ewe epwe wisen tumunu nounoun me mwokutukutun ewe moni fan iten ewe Legislature ren an epwe chok fiti metewe mei affat non Tetten 1, pwan fiti pungun ewe State Financial Management Act, iwe esap pwan wor nounoun ei moni epwe nap seni ei ukukun mei kawor. Nussun moni esemwo it me non ei moni non September 30, 1985, epwe niwinsefan ngeni ewe Monienapen ewe Muun Chuuk.

Tetten 3. Ewe Kepina epwe awora an report ngeni ewe Legislature me mwen April 15, 1985, epwe affatatiw:


1) unusen porausen nounoun ewe moni mei kawor me ren Tetten 1, fongon me ukukun nussun mei wor non April 1, 1985;

2) napanapen an ewe moni mei wor non April 1, 1985, epwe nounou non ewe nussun ewe fiscal year, nge och saposopun report won ewe nussun moni epwe pwan kawor ngeni ewe Legislature ika ew committee mei wenengeni, nefinen 20 ran me murin saponon ewe fiscal year; pwan


3) awora anapanapen kaworen monien ewe angangen efefeitan kangkotang non Fiscal Year 1986.

Tetten 4. Ei Namopung epwe poputa pochokunan fansoun an a kapunguno me ren
ewe Kepina, ika fansoun an a pusin winita annuk won pusin winikapan.

Sain seni:


Simeon Innocenti, Speaker
Truk State Legislature

Annetata:


Datasi Albert
Legislative Chief Clerk
Truk State Legislature

Pwinin maram:

Jan 25, 1985

A Kapunguno seni:

Erhart Aten, Governor
Truk State Government

Pwinin maram: